

ԱԼԼՈՂԸ ԵՎ ԲԵՆԵՖԻՑԻԱՆ ՊԱՏՄԱԿԱՆ ԶԱՐԳԱՅՄԱՆ
ՏԱՐԲԵՐ ՓՈԽԵՐՈՒՄ

Հասարակական-տնտեսական ցանկացած հարաբերություններում կարևորվում է արտադրական միջոցների վրա հիմնված հողի սեփականության ձևը: Խոսելով ֆեոդալական սեփականության մասին՝ կարևոր է նշել, որ ֆեոդալիզմի դարաշրջանում սեփականության հիմնական ձևը հողային սեփականությունն է: Հենց տնտեսական կառույցն է որոշում զարգացման ուղղությունը, իսկ քաղաքականությունը հանդիսանում է գոյություն ունեցող տնտեսական կյանքի արտացոլումը¹: Ալլոդ տերմինը առաջացել է allod գերմաներեն բառից (al-լորիվ, od-տիրույթ): Այս հասկացությունը ի հայտ է եկել միջին դարերի սկզբին: Գերմանական ցեղերի մոտ այն փոխարինել է սեփականության համայնական ձևին և տարածվել Արևմտյան Հռոմեական կայսրությունում առաջացած «բարբարոսական» պետությունում: Վաղ միջնադարյան Եվրոպայում ալլոդը ժառանգման սահմանափակ իրավունքով շարժական և անշարժ ունեցվածք էր, հետագայում դարձավ ֆեոդալական պարտույթից ազատ հողային սեփականության: Լինելով ինքնուրույն զավթողական արշավանքներով ձեռք բերված մասնավոր սեփականություն՝ ալլոդը անկախ էր ցեղից և պետությունից, և ալլոդի տերը ոչ մի աշխատանք չէր կատարում դրա դիմաց: Ալլոդի սեփականատիրոջ հարաբերությունը ցեղի և պետության հետ հիմնված էր բարոյական սկզբունքների վրա, որը արտահայտվում էր փոխօգնության միջոցով, ընդ որում այդ օգնությունը դուքսին կամ կայսրին կախված էր ալլոդատիրոջ ցանկությունից, իսկ հարկեր գանձելը չէր կարող համարվել անհավատարմություն: Ալլոդը որպես ընտանիքի բացարձակ սեփականություն պատկանում էր ընտանիքի ավագին և չէր կարող ժառանգություն թողնվել ուրիշին: Ալլոդի հսկայական տարածքները տրվում էին հողի կարիք ունեցող անձանց, որոնք կախման մեջ էին ընկնում ալլոդի տիրոջից: Բացի դրանից, փոքր ալլոդատերը ժամանակի ընթացքում դառնում էր անհամեմատ հզոր, օգնություն էր խնդրում ավելի հզորից, նրան համարում իր հովանավորը և ընկնում կախման մեջ: Այսպիսով, ալլոդային հարաբերությունը քիչ-քիչ վերածվում էր բենեֆիցիայի²: Ֆեոդալական հարաբերությունների զարգացմանը զուգընթաց մանր ալլոդատերերի հողաբաժիններն անցան ֆեոդալական խոշոր տնտեսություններին: Միաժամանակ խոշոր և միջին հողատերերի ալլոդները աստիճանաբար տեղի տվեցին պայմանական ֆեոդալական սեփա-

¹ Маркхарт С. А. Сельджук в Иране 11 века, 1991, Саратов, с 29-32

² Энциклопедический словарь, под ред. Н. Е. Андреевского, т. 1, с 466

կանությանը՝ բենեֆիցիային, ապա՝ ֆեոդին: Սակայն ավոդային սեփականությունը ինչ-որ չափով պահպանվեց Սնգլիայում, Իտալիայում, Իսպանիայում, Գերմանիայում և հատկապես հարավային Ֆրանսիայում ու Սկանդինավիայում: Մերձավոր և Միջին Արևելքում ավոդին համապատասխանում էր մուլքը, ռուսական պետության մեջ՝ վոտչինան, Գայաստանում՝ «հայրենիքը»:

Բենեֆիցիա տերմինը առաջացել է լատիներեն *beneficium* (բարեգործություն) բառից: Դին Դոմնում դա որևէ արտոնություն էր, որը կայսերական ժամանակաշրջանում տրվում էր հարկատուներին: Վաղ միջնադարյան Արևմտյան Եվրոպայում բենեֆիցիան գլխավորապես հողի պայմանական և ժամանակավոր շնորհումն էր թագավորի կամ ֆեոդալ-սենյորի կողմից զինվորական կամ վարչական ծառայության դիմաց: Ֆրանկների պետության մեջ բենեֆիցիան լայնորեն կիրառվել է Կարլոս Մարտելի՝ բենեֆիցիայի վերաբերյալ բարեփոխումից հետո (8-րդ դարի 30-ական թթ)³: Դրանից հետո հողը և մշակող գյուղացին ցմահ տրվել են բենեֆիցիարին (հիմնականում զինվորական ծառայության դիմաց): Դրանով ուժեղանում է գյուղացիների կախումը ֆեոդալից: Ժամանակի ընթացքում ցմահ տրվող բենեֆիցիան դառնում է ժառանգական սեփականություն՝ ֆեոդ: Գայական աղբյուրներից երևում է, որ ֆեոդալիզմի դարաշրջանում եղել է մի ձև, որը շատ նման էր Արևմտյան Եվրոպայի բենեֆիցիային: Վաղ ֆեոդալիզմի շրջանում այն կոչվել է պարզական, զարգացած ֆեոդալիզմի շրջանում նաև՝ արքայատուր: Պարզական և արքայատուր հողերը որպես պարզա տրվել են ֆեոդալներին՝ աչքի ընկնող ռազմական և վարչական ծառայության համար: Ինչ վերաբերում է կաթոլիկ եկեղեցուն, ապա այստեղ բենեֆիցիա է կոչվել հոգևորականի պարզատուրումը որևէ եկամտաբեր պաշտոնով: Սահմեղական իրավունքը հողի ժամանակավոր հանձնումը չէր համարում հողի սեփականության հատուկ կատեգորիա: Չնականորեն այդպիսի հողերը կոչվում էին պետական: Սակայն այստեղ մենք գործ ունենք իրավաբանական խաբեկանքի հետ: Հողերի պայմանական հանձնումը, հատկապես այն բանից հետո, երբ դրանք դարձան ժառանգական, ֆեոդալական հողային բարաբերությունների հատուկ դասի հիմք դրվեց, և մենք պարտավոր ենք դրանք ուսումնասիրել հենց այդ սկզբունքով:

Պետական և պայմանական բենեֆիցիայի միջև տարբերությունը այն է, որ առաջինի դեպքում պետությունը հանդիսանում է նրա միակ սեփականատերը և ուղղակիորեն իր ֆինանսական վարչակազմի միջոցով շահագործում էր հողատերերին՝ գյուղացիներին, իսկ երկրորդի դեպքում պետությունը հարկերի գանձման և մնացած բոլոր իրավունքները տալիս էր հողատերերին: Պետք է նշել, որ պետական հողեր ասելով, մենք հասկանում ենք միայն դիվանին պատկանող հողերը (դիվան-ե խաս): Բենեֆիցիային հետագայում տրվեց

³ Энциклопедический словарь, под ред. И. Е. Андреевского, т. III, с. 435

դուրանական ծագում ունեցող իկթա անվանումը: Ինչպես գիտենք՝ իկթա արաբական տերմինը առաջացել է Ղուրան արմատից: Մահմեդական աստված-ծաբանները հակված էին բոլոր նոր հարաբերությունները, որոնք առաջանում էին խալիֆայությունում արաբական արշավանքներից հետո, համաձայնեցնել Ղուրանին և հադիսներին: Ղուրանում նույնպես հիշատակվում է հողերի պարգևատման մասին, սակայն ինչպես նշում են արտասահմանյան հետազոտողներ Ա. Պալյակը և Ֆ. Լոկեզորդը, Ղուրանում խոսք է գնում փոքրիկ հողակտորների պարգևատրման մասին և այստեղ դեռ չի նշվում ֆեոդալական տիպի սեփականության մասին: 8-9-րդ դարերում մահմեդական օրենսդիրները նշում են իկթայի մի քանի տարատեսակներ, սակայն դրանցից միայն մեկն է նշանակում հողի հանձնում և դա իկթա մամլիքն է: Իկթայի մյուս տարատեսակները՝ իկթա իջարեն, իկթա էսթիլլալը և մյուսները, նշանակում էին հողից եկած եկամուտների ծախսման իրավունք, այսինքն օգտվել ռենտայից: Փաստորեն, իկթան խալիֆայության ժամանակ ինքնատիպ բենեֆիցիա էր, որը շատ քիչ էր նման հետագայի իկթա-ավատին⁴:

Արտասահմանյան հեղինակներից Կ. Բեկերը իկթայի տիրոջը՝ մուկթային, համարում է միջնորդ պետության և գյուղացու միջև: Ակնհայտ է, որ Բեկերը չի հասկացել իկթայի բնույթը, քանի որ փաստերին նայում էր մահմեդական օրենսդիրների աչքերով, այլ կերպ ասած, նա իրավաբանական դասակարգումներում չի տեսել պատմական իրականությունը: Իկթայի տարածումը-և վերածումը ֆեոդալիզմի դարաշրջանի հողային սեփականության հիմնական ձևի Ա. Յու. Յակուբովսկին և Բ. Ն. Ջախոդերը կապում էին Միջին Ասիայում թյուրք դարախանյանների, իսկ Առաջավոր Ասիայում սելջուկների զավթողական արշավանքների հետ: Իսկ Վ.Ա. Գորդլևսկին, Յակուբովսկուց և Ջախոդերից առաջ անցնելով, նշում է, որ ռազմա-ավատական համակարգի արմատները գնում են Արևելյան Ասիա:

Ե՞րբ է Իրանում իկթան բենեֆիցիայից վերածվել ժառանգական ավատի: Յակուբովսկին գտնում է, որ իկթան հիմնական հողային սեփականություն վերածելու ֆեոդալների ձգտումները ի հայտ են գալիս 11-րդ դարում: Ջախոդերը գտնում է, որ արդեն 11-րդ դարում սելջուկների ժամանակ իկթան վերածվել էր ռազմական ավատի: Պետրուշևսկին, հիմք ընդունելով Նիզամ Օլ-Մուլքի «Սիասաթ-նամեն», կարծում է, որ սելջուկների օրոք իկթայի տերը միայն իրավունք ուներ գյուղացիներից հարկեր հավաքել, այլ ոչ թե դրանք ղեկավարել և միայն մոնղոլների ժամանակ իկթան զարգացավ և դարձավ ժառանգական ավատ⁵: Ակնհայտ է, որ Նիզամ Օլ-Մուլքի տեսակետը չի կարող հիմնարար աղբյուր լինել այս հարցին լուծում տալու համար: Ավելի ուշ շրջանի

⁴ А. А. Алишадзе К вопросу об институте „икта“ // Известия „АзФАН“, Баку 1942, N 5, с 20-27
⁵ Низам ал-Мулк Сиясест-намэ // Изд. Захедера Б. Н., Москва, 1949г., с 204

իր աշխատություններում Պետրուլիսկին միանում է Ջախոդերի և Յակուբովսկու կարծիքին. ըստ որի՝ արդեն 11-րդ դարում իկթան, եթե ոչ տեսականորեն, գոնե պրակտիկայում վերածվել էր ռազմական ավատի⁶:

Նշելով, որ խալիֆայության առաջացման ժամանակ իկթան դեռևս չի ունեցել ֆեոդալական բնույթ, ֆրանսիացի պատմաբան և հոգեբան Կլոդ Կանենը կարծում է. որ իկթան դառնում է ավատ (ֆեոդ) 9-10-րդ դարերում և աստիճանաբար ձեռք բերում ֆեոդալական բնույթ: Շարունակելով միտքը՝ Կ. Կանենը նշում է, որ իկթան որպես ֆեոդ զարգանում է Բույանների ժամանակ, ընդ որում հենց այս համակարգն էլ ընդունվեց սելջուկների կողմից, որը, իհարկե, նրանք փոփոխությունների ենթարկեցին⁷: Իկթան վաղ սելջուկյան շրջանում պայմանական հիմունքներով էր տրվում: Աղբյուրների համաձայն դա ժառանգական սեփականություն չէր և կարող էր հետ վերցվել սուլթանի կողմից: Հայտնի է, որ Տուղրիլ-բեկը կոնֆլիկտի արդյունքում հրամայեց խլել իկթան Բադդադի խալիֆից: Դրա հետ մեկտեղ վկայություն կա, որ սուլթանը հրամայել է Ալ-Կաիմին իր ծառայողներին իկթա հատկացնել Իրաքում: Այս բոլորը հաստատում են այն միտքը, որ սկզբնական շրջանում իկթան պայմանական էր և շատ մոտ իկթա ալ-աստիղլալ տեսակին: Այսպիսով, սելջուկների ժամանակաշրջանը կարևոր դեր է կատարել իկթայի էվոլյուցիայի մեջ: Ինչպես երևում է, Իրանում 11-րդ դարում հողի սեփականության ամենատարածված ձևն էր: Սակայն ժառանգական սեփականության վերածվելու իկթայի միտումները նկատվում են 10-րդ դարում: Մոնղոլների ժամանակաշրջանի իկթան 10-12-րդ դարերի իկթայից տարբերվում է նրանով, որ ժառանգաբար անցնելը և իկթադարի իրավունքները, որոնք գոյություն ունեին պրակտիկայում այժմ իրավաբանորեն ճանաչվում էին Ղազան խանի հրամաններում:

Ենչտ է՝ մոնղոլների առաջին խաների ժամանակաշրջանում կար իկթայի տրամադրում, սակայն դրանք տրվում էին ոչ բոլոր ծառայողներին, այլ միայն բարձրաստիճան պաշտոնյաներին: Ղազան խանի 1303թ. հրամանով իկթա էր տրամադրվում բոլոր ծառայողներին: Ձևականորեն դա ողորմություն էր խանի կողմից, սակայն իրականում 1303թ.ի հրամանը զինվորականների կողմից պահանջ էր: Այս վարկածը հիմնավորվում է այն հանգամանքով, որ դա դեմ էր խանի կենտրոնացման քաղաքականությանը և խթանում էր ֆեոդալների անջատողական քաղաքականությանը: Ինչպես հայտնի է, հողի հետ միասին ստանում էին նաև հագուստ ու մթերք և դա անվանվում էր ջամեգի (հագուստ) պարսկական տերմինով: Այս տերմինը հայտնի էր մինչև մոնղոլների արշավանքները: Նիզամ օլ-Մուլքը հայտնում է, որ Մահմուդ Ղազնևիի օրոք (998-1030թթ.) Խորեզմի դրածո Ալթունթաշի ջամեգին հասնում էր 120000 դինարի:

⁶ Петрушевский И.П. Исследование о аграрные отношения в Иране XIII-XIV вв., с 256-258

⁷ Cahen Cl. L'evolution de l'iqta du IX-XIII sie cle, page 27

բացի այդ, Ա.Ա. Ալի-զադեն իկթային վերաբերող իր հատուկ աշխատության մեջ խոսելով իլխանների շրջանի իկթայի մասին՝ նշում է, որ այժմ իկթայի տակ հասկանում են ոչ միայն հողերը, այլև մարդկանց⁸:

Սոյուրդալը իկթայի հետագա զարգացումն է և իկթայի համեմատությամբ նրա հիմնական իրավաբանական առանձնահատկությունը վարչա-իրավաբանական անձեռնմխելիությունն է: Սոյուրդալ բառացի նշանակում է պարզևատրում, իհարկե, հողի պարզևատրման իմաստով: Նրա պատմական նշանակությունը հասկանալու համար կարևոր է այն կարծիքը, որ ֆեոդալական հասարակության մեջ ֆեոդալի բարձրագույն իշխանությունը դատական և ռազմական գործում հողի սեփականության ցուցիչն էր: Անձեռնմխելիության իրավունքի ընդլայնումը կապված էր ֆեոդալական սեփականության զարգացման հետ: Սակայն այդ իրավունքի աղբյուրը պետական իշխանության կողմից տրված պարզևատրումը չէր, ինչպես որ նշում են արտասահմանյան մի քանի հեղինակներ (օրինակ Կ. Բեկերը): Ղեկավարի կողմից հողատիրոջը տրված անձեռնմխելիության իրավունքը ֆեոդալական սեփականության զարգացման գործընթացի իրանաբանական արտահայտությունն էր և բացարձակ անձեռնմխելիությունը կապված է սոյուրդալ համակարգի հետ: Այս համակարգը 14-րդ դարում գոյություն ուներ Իրանում և դրա առաջացումը կապել Լենկ-Թեմուրի արշավանքների հետ, ինչպես անում են խորհրդային շրջանի հեղինակները, սխալ է⁹: Սոյուրդալը ժամանակի ընթացքում զարգանում է և դառնում գերիշխող հողային հարաբերություն: Ձախողերը նշում է, որ խոշոր սոյուրդալի մեջ կային ոչ միայն հողագործական շրջաններ, այլ նաև քուլդրական տափաստաններ:

Այսպիսով, ֆեոդալիզմի դարաշրջանում հողային հարաբերությունները մեծ դեր են կատարել և, եթե ուշադրություն դարձնենք, ապա ակնհայտորեն պարզ կդառնա, որ ֆեոդալիզմի զարգացումը մեծամասամբ կապված է հողային հարաբերության զարգացման փուլերի հետ: Ուսումնասիրելով ալլոդը, բենեֆիցիան, իկթան և սոյուրդալը՝ պարզ է դառնում մեկ փաստ՝ դրանք հողի միևնույն հարաբերություններն են ֆեոդալիզմի զարգացման տարբեր փուլերում:

⁸ Петрушевский И.П. К вопросу о прикреплении крестьян к земле в Иране в эпоху Монгольского владычества, 1947г., N 4, с. 124

⁹ Петрушевский И.П. К истории института сойурдана, Советское востоковедение, т. VI, М.-Л. 1949, с. 39